

রেজিস্টার্ড নং ডি এ-১ “জাতির পিতা বঙ্গবন্ধু শেখ মুজিবুর রহমানের
জন্মশতবার্ষিকী উদ্‌যাপন সফল হোক”

বাংলাদেশ



গেজেট



অতিরিক্ত সংখ্যা
কর্তৃপক্ষ কর্তৃক প্রকাশিত

বুধবার, মার্চ ৩১, ২০২১

গণপ্রজাতন্ত্রী বাংলাদেশ সরকার
জাতীয় রাজস্ব বোর্ড
[মূল্য সংযোজন কর]

আদেশ

তারিখ : ১০ চৈত্র, ১৪২৭ বঙ্গাব্দ/২৪ মার্চ, ২০২১ খ্রিষ্টাব্দ

বিষয় : ‘বঙ্গবন্ধু ৯ম বাংলাদেশ গেমস’ আয়োজন উপলক্ষে সকল ব্যয়ের উপর প্রযোজ্য মূল্য সংযোজন কর (মূসক) হইতে অব্যাহতি প্রদান।

নং ০৮/মূসক/২০২১।—যেহেতু, জাতির পিতা বঙ্গবন্ধু শেখ মুজিবুর রহমানের জন্ম শতবার্ষিকী ‘মুজিব বর্ষ’ যথাযথ মর্যাদার সাথে সারাদেশে পালিত হইতেছে এবং বাংলাদেশ অলিম্পিক এসোসিয়েশন বঙ্গবন্ধুর মহান স্মৃতির প্রতি শ্রদ্ধা জানানোর লক্ষ্যে আগামী ১-১০ এপ্রিল, ২০২১ খ্রিষ্টাব্দ তারিখে ‘বঙ্গবন্ধু ৯ম বাংলাদেশ গেমস’ আয়োজন করিয়াছে এবং উক্ত প্রতিযোগিতায় দেশের ৬৪টি জেলা হইতে আনুমানিক ৫০০০ জনের অধিক সংখ্যক ক্রীড়াবিদ এবং ১৫০০ জনের অধিক টেকনিক্যাল অফিসিয়াল অংশগ্রহণ করিবে; এবং

যেহেতু, বাংলাদেশ অলিম্পিক এসোসিয়েশন (বিওএ) একটি অলাভজনক এবং অব্যবসায়িক ক্রীড়া উন্নয়ন সংস্থা, যাহা আন্তর্জাতিক অলিম্পিক কমিটি (আইওসি) কর্তৃক স্বীকৃতিপ্রাপ্ত; এবং

যেহেতু, একাধিক খেলার সমন্বয়ে জাতীয় পর্যায়ে ক্রীড়া প্রতিযোগিতা যেমন: বাংলাদেশ গেমস, বাংলাদেশ যুব গেমস ইত্যাদি আয়োজন এবং আন্তর্জাতিক পর্যায়ে অনুষ্ঠিত ক্রীড়া প্রতিযোগিতায় অংশগ্রহণের লক্ষ্যে খেলোয়াড়দের প্রশিক্ষণের ব্যবস্থাকরণ ও প্রতিযোগিতায় দল প্রেরণ করা বাংলাদেশ অলিম্পিক এসোসিয়েশন কর্তৃক সম্পাদিত হইয়া থাকে;

সেহেতু, জাতীয় রাজস্ব বোর্ড, মূল্য সংযোজন কর ও সম্পূরক শুল্ক আইন, ২০১২ এর ধারা ১২৬ এর উপ-ধারা (৩) এ প্রদত্ত ক্ষমতাবলে, বাংলাদেশ অলিম্পিক এসোসিয়েশন কর্তৃক ‘বঙ্গবন্ধু ৯ম বাংলাদেশ গেমস’ আয়োজন উপলক্ষে সকল ব্যয়ের উপর প্রযোজ্য মূল্য সংযোজন কর (মূসক) নিম্নবর্ণিত শর্তসাপেক্ষে অব্যাহতি প্রদান করিল :

(৭১৩১)

মূল্য : টাকা ৪.০০

শর্তাবলী :

- (ক) 'বঙ্গবন্ধু ৯ম বাংলাদেশ গেমস' এর আয়োজন উপলক্ষে শুধুমাত্র বাংলাদেশ অলিম্পিক এসোসিয়েশন কর্তৃক ব্যয়ের বিপরীতে এই অব্যাহতি সুবিধা প্রযোজ্য হইবে;
- (খ) প্রতিযোগিতায় অংশগ্রহণকারী খেলোয়াড় ও কর্মকর্তাদের দৈনিক আহার ও আবাসন বাবদ ব্যয়িত অর্থের বিষয়ে পরিশিষ্ট অনুযায়ী বাংলাদেশ অলিম্পিক এসোসিয়েশনের ডেপুটি সেক্রেটারি জেনারেল পদমর্যাদার নিম্নে নহেন এমন কোনো সদস্যের স্বাক্ষরিত প্রত্যয়নপত্র সংশ্লিষ্ট কাস্টমস, এক্সাইজ ও ভ্যাট কমিশনারেটের কমিশনার এর নিকট অর্থ পরিশোধের (১০) দিনের মধ্যে দাখিল করিতে হইবে;
- (গ) এছাড়া অন্যান্য যাবতীয় ব্যয় সংক্রান্ত হিসাব বিবরণী বাংলাদেশ অলিম্পিক এসোসিয়েশন কর্তৃক সংশ্লিষ্ট কাস্টমস, এক্সাইজ ও ভ্যাট কমিশনারেটের কমিশনার এর নিকট অর্থ পরিশোধের দশ(১০) দিনের মধ্যে দাখিল করিতে হইবে।

০২। উপরিউক্ত শর্তাবলী সঠিকভাবে প্রতিপালিত না হইলে প্রযোজ্য মূল্য সংযোজন কর আইনানুগ পন্থায় আদায়যোগ্য হইবে।

পরিশিষ্ট

এই মর্মে প্রত্যয়ন করা যাইতেছে যে, 'বঙ্গবন্ধু ৯ম বাংলাদেশ গেমস' প্রতিযোগিতায় অংশগ্রহণকারী খেলোয়াড় ও কর্মকর্তাদের দৈনিক আহার ও আবাসন বাবদ.....টাকা..... নিম্নোক্ত প্রতিষ্ঠানকে.....তারিখে পরিশোধ করা হইয়াছে।

প্রতিষ্ঠানের নাম:.....

প্রতিষ্ঠানের ঠিকানা:.....

মুসক নিবন্ধন নম্বর:.....

ফোন নম্বর:.....

স্বাক্ষর

(বাংলাদেশ অলিম্পিক এসোসিয়েশন মনোনীত কর্মকর্তার নাম ও পদবি)

জাতীয় রাজস্ব বোর্ডের আদেশক্রমে

কাজী ফরিদ উদ্দীন

প্রথম সচিব (মুসক নীতি)।

মোহাম্মদ ইসমাইল হোসেন, উপপরিচালক (উপসচিব), বাংলাদেশ সরকারী মুদ্রণালয়, তেজগাঁও, ঢাকা কর্তৃক মুদ্রিত।
মাকসুদা বেগম সিদ্দীকা, উপপরিচালক (উপসচিব), বাংলাদেশ ফরম ও প্রকাশনা অফিস, তেজগাঁও,
ঢাকা কর্তৃক প্রকাশিত। website: www.bgpress.gov.bd